

福嚴推廣教育班第 35 期  
《十住毘婆沙論》卷 17  
〈讚戒品第三十四〉<sup>1</sup>  
(大正 26, 120a7-121a18)

釋厚觀 (2018.05.05)

**壹、淨持尸羅能攝諸功德利益**

菩薩如是淨持尸羅，能攝種種功德諸利，如無盡意菩薩<sup>2</sup>說。

**貳、略讚尸羅功德諸利**

復次，略讚尸羅少分：<sup>3</sup>

- (<sup>1</sup>) 尸羅者，是出家人第一所喜樂處，如年少富貴，最可喜樂；能增長善法，如慈母養子；能防護衰患，如父護子。
- (<sup>2</sup>) 尸羅能成就諸出家者一切大利，如白衣多財。<sup>4</sup>
- (<sup>3</sup>) 尸羅能救一切苦惱，如正行順理。
- (<sup>4</sup>) 尸羅善人所敬，如報恩法。
- (<sup>5</sup>) 尸羅人所愛重，猶如壽命。
- (<sup>6</sup>) 尸羅智者所貴，如智慧。<sup>5</sup>
- (<sup>7</sup>) 求解脫者善護尸羅，如王密事<sup>6</sup>，大臣守護。<sup>7</sup>

<sup>1</sup> (1) 七=三十四【宋】【元】【宮】，=三十五【明】。(大正 26, 120d, n.2)

(2) 《大正藏》原作「七」，今依【宋】本等作「第三十四」。

<sup>2</sup> (1) 參見《十住毘婆沙論》卷 16〈31 護戒品〉(大正 26, 109c10-110a25)。

(2) 參見《大方等大集經》卷 27〈12 無盡意菩薩品〉(大正 13, 189c24-190b10)，  
《阿差末菩薩經》卷 2(大正 13, 590a5-b27)，《最勝問菩薩十住除垢斷結經》  
卷 2〈6 根門品〉(大正 10, 975c4-976a29)，《彌勒菩薩所問經論》卷 4(大  
正 26, 248b24-249a18)。

<sup>3</sup> 參見〔元魏〕毘目智仙等譯，《三具足經憂波提舍》(大正 26, 363b13-364a28)。

<sup>4</sup> 《三具足經憂波提舍》(大正 26, 363b16-17)：

如在俗人有財物故，一切饒益皆悉成就，出家人戒亦復如是。

<sup>5</sup> 《三具足經憂波提舍》(大正 26, 363b19)：

又如勝智，世所讚歎。

<sup>6</sup> 密事：機密之事。(《漢語大詞典》(三)，p.1530)

<sup>7</sup> 《三具足經憂波提舍》(大正 26, 363b19-20)：

如慎王語，求解脫人護戒亦爾。

- (8) 樂道利者愛重尸羅，如樂涅槃愛重佛法。<sup>8</sup>
- (9) 智慧之人善守尸羅，如惜壽者護安身法。
- (10) 救死時急尸羅為最，如遇急難得善知識。<sup>9</sup>
- (11) 尸羅清淨莊嚴賢人，如貴家女慚愧無穢<sup>10</sup>。
- (12) 尸羅即是功德之初<sup>11</sup>門，如不諂曲開諸善利。
- (13) 尸羅最是梵行之本，如直心則是正見之本。
- (14) 諸大人法以尸羅為本，如求重位<sup>12</sup>以直心為本。
- (15) 尸羅即是功德寶積<sup>13</sup>，如不放逸，亦如正念能生諸利，亦如賢友初、中、後善；學正法者不得過越<sup>14</sup>，如海常限。<sup>15</sup>
- (16) 尸羅即是功德住處，亦如大地，萬物依止；<sup>16</sup>尸羅潤益諸善功德，亦如天雨潤益種子；能成五根<sup>17</sup>，如火熟物；能生諸利，如風成身；<sup>18</sup>尸羅能(120b)

<sup>8</sup> 《三具足經憂波提舍》(大正 26, 363b20-21)：

欲求解脫當歸依佛，欲生善道當歸依戒。

<sup>9</sup> 《三具足經憂波提舍》(大正 26, 363b21-22)：

遇惡，善友不捨；戒亦如是，欲自利益，至死不捨。

<sup>10</sup> 無穢：1.指人品清白，高潔，不被玷污。(《漢語大詞典》(七)，p.159)。

<sup>11</sup> (之初) — 【宋】【元】【明】【宮】。(大正 26, 120d, n.3)

<sup>12</sup> 重位：重要職位，高位。(《漢語大詞典》(十)，p.378)

<sup>13</sup> 積(卍)：2.積，積聚。(《漢語大字典》(三)，p.3326)

<sup>14</sup> 過越：2.過分，超越本分。(《漢語大詞典》(十)，p.969)

<sup>15</sup> 《三具足經憂波提舍》(大正 26, 363b24-27)：

如不放逸多饒功德，欲證勝法依觀察得，如近善友初、中、後時憐望。學人時節如海，不可得過。

<sup>16</sup> 《大智度論》卷 13 〈1 序品〉(大正 25, 153b22-25)：

若人求大善利，當堅持戒，如惜重寶，如護身命。何以故？譬如大地，一切萬物有形之類，皆依地而住；戒亦如是，戒為一切善法住處。

<sup>17</sup> 「能成五根」，或指「尸羅」能成就「信、勤、念、定、慧」五根。

<sup>18</sup> 參見《正法念處經》卷 66 〈7 身念處品〉(大正 17, 391b25-c5)：

是風遍身，睜眼視眴動一切身，思惟遍身。依男女根能生子息，若男女行欲，如此風力，能集精血，能令女人髑骨多力，男女精血和合共集鉀羅婆身。薄精之時，風吹令厚，而作肉團；作肉搏已，次生五胞；生五胞已，或方或圓，隨身長短，識亦遍滿，隨種種相。譬如有人攢酪出酥，有酪有水、有瓮有攢，攢之出沫，知其已熟，收取生酥。如是風力及業煩惱，能集成身，亦復如是，是為第五風力分也。

受一切道果，亦如**虛空**含受萬物。<sup>19</sup>

- (17) 亦如吉瓶<sup>20</sup>隨願皆得，亦如美饌<sup>21</sup>利益諸根，尸羅善能通利<sup>22</sup>諸道，能令諸根清淨無礙。
- (18) 智慧壽命以尸羅為本，猶如身命以氣息為本。
- (19) 尸羅即是最上依處，如民依王。
- (20) 尸羅即是諸功德主，如軍大將。<sup>23</sup>
- (21) 尸羅得眾快樂，如隨意婦能稱夫心。<sup>24</sup>
- (22) 若求涅槃及生天上，尸羅即是學道資用，如彼遠行必持衣糧。
- (23) 尸羅將人令至善處，如經險路得善導師。
- (24) 尸羅度人從生死過，猶如牢船得<sup>25</sup>渡大海。
- (25) 尸羅能滅諸煩惱患，猶如良藥能消眾病。
- (26) 尸羅器仗<sup>26</sup>能御<sup>27</sup>魔賊，如善兵器能對敵陣。

---

<sup>19</sup> 《三具足經憂波提舍》(大正 26, 363b27-29)：

如諸眾生依**地**而住，依戒住持一切勝法；如**水**能潤一切種子，戒能津潤善法種子；如**火**成根；如**風**能令分分開張；如行住物，**空**為無障欲證果人。

<sup>20</sup> (1) 《增壹阿含經》卷 2〈3 廣演品〉(4 經)(大正 2, 555a20-22)：

戒能成道，令人歡喜，戒纓絡身，現眾好故。夫禁戒者，**猶吉祥瓶，所願便剋，諸道品法，皆由戒成。**

(2) 《大智度論》卷 13〈1 序品〉(大正 25, 154a2-17)：

持戒之人，無事不得；破戒之人，一切皆失。……**天與一器，名曰德瓶，而語之言：「所須之物，從此瓶出。」**其人得已，應意所欲，無所不得。得如意已，具作好舍，象馬、車乘、七寶具足，供給賓客，事事無乏。……持戒之人，亦復如是，種種妙樂，無願不得；若人破戒，憍洩自恣，亦如彼人破瓶失物。

<sup>21</sup> (1) 膳：同“膳”。(《漢語大字典》(七)，p.4474)

(2) 膳(尸弓、丿)：1.飯食。(《漢語大詞典》(六)，p.1381)

<sup>22</sup> 通利：通暢，無阻礙。(《漢語大詞典》(十)，p.927)

<sup>23</sup> 《三具足經憂波提舍》(大正 26, 363c4)：

如軍有將，功德軍眾，戒是統將。

<sup>24</sup> 《三具足經憂波提舍》(大正 26, 363c4-5)：

如婦女人，一切樂行皆因夫主。

<sup>25</sup> 得=能【宋】【元】【明】【宮】。(大正 26, 120d, n.4)

<sup>26</sup> 仗：弓、矛、劍、戟等兵器的總稱。(《漢語大詞典》(一)，p.1129)。

<sup>27</sup> 御：22.通「禦」。抵禦，抵抗。(《漢語大詞典》(三)，p.1021)

- (27) 如所愛親經難不捨，尸羅將人諸衰惱中隨護不捨。
- (28) 尸羅能照後世癡冥，如大燈明能除黑闇。
- (29) 尸羅度人出諸惡道，如度<sup>28</sup>深水得好橋梁。
- (30) 尸羅能除煩惱熱急，如清涼室能除毒熱。
- (31) 欲墮惡趣，尸羅能救，如勇士持刃<sup>29</sup>，救人怖畏。<sup>30</sup>
- (32) 諸凡夫人應深愛尸羅，如諸菩薩學**諦勝處**；行者善行尸羅，如諸菩薩行**捨勝處**；得果之人善修尸羅，亦如菩薩修**滅勝處**；護持尸羅令人得果，亦如菩薩修**慧勝處**。<sup>31</sup>
- (33) 不壞法者能淨尸羅，如諸菩薩清淨無垢。
- (34) 諸惡人等捨離尸羅，如彼諂曲捨離直心。
- (35) 放逸之人不行尸羅，如慳貪者不行惠施。
- (36) 放逸之人捨離尸羅，如戲論者離寂滅法。
- (37) 愚癡之人無有尸羅，猶如盲者不見五色<sup>32</sup>。
- (38) 無思惟者去尸羅遠，如離八道去涅槃遠。
- (39) 善愛身者深樂尸羅，如阿羅漢深愛樂法。
- (40) 尸羅能使無惱<sup>33</sup>，善法相續不斷，如佛(120c)出世善事不絕。
- (41) 尸羅能令諸道果住，如佛神力令法久住。
- (42) 尸羅如佛，自利利人。
- (43) 尸羅善護諸善功德，如王知時能護國界。
- (44) 尸羅安行者心，如須陀洹果，如時發事後則無悔。<sup>34</sup>

<sup>28</sup> 度=渡【宋】【元】【明】【宮】。(大正 26, 120d, n.6)

<sup>29</sup> 刃=刀【宋】【元】【明】【宮】。(大正 26, 120d, n.7)

<sup>30</sup> 《三具足經憂波提舍》(大正 26, 363c13-14)：

如怖畏者歸依健兒執刀杖者，畏惡道人戒是歸依。

<sup>31</sup> 四功德處，參見《十住毘婆沙論》卷 1〈1 序品〉(大正 26, 22c1-11)，《菩提資糧論》卷 3(大正 32, 525c15-23)，《成實論》卷 2〈16 四法品〉(大正 32, 250c7-11)。

<sup>32</sup> 五色：1.青、赤、白、黑、黃五種顏色。2.泛指各種顏色。(《漢語大詞典》(一)，p.353)

<sup>33</sup> 惱=悔【宋】【元】【明】【宮】。(大正 26, 120d, n.12)

<sup>34</sup> 《三具足經憂波提舍》(大正 26, 363c25-26)：

- (45) 尸羅究竟必得涅槃，如菩薩願究竟得佛。
- (46) 尸羅亦如良田好澤<sup>35</sup>，投之以種，疾得增長。
- (47) 尸羅是正行之因，如知時、方等，是成諸事因。
- (48) 如人端嚴<sup>36</sup>，福德、智慧，人所尊貴，尸羅如是自他所敬。
- (49) 如福德熟時心則安隱，尸羅能使心得安隱受諸利報。
- (50) 尸羅能令行者歡喜，猶如好兒令父心悅。
- (51) 尸羅則是無有過失，無畏之法；如人無過，心則無畏。尸羅令人今世、後世無有怖畏，無諸罪惡。
- (52) 供養稱讚持尸羅者，餘者亦喜，自知有分。
- (53) 尸羅親愛眾生，如修慈定；尸羅滅苦，如修悲定；尸羅與喜，如修喜定；尸羅無憎無愛，如修捨定。
- (54) 尸羅為人所信，如四種善語<sup>37</sup>能令人信。
- (55) 尸羅樂行，如世法中常歡喜心。
- (56) 如多聞是樂說因，<sup>38</sup>尸羅則是言行相應因。
- (57) 尸羅是無畏因，如辯才無畏。
- (58) 尸羅是名聞因，如通諸經有好名稱<sup>39</sup>。
- (59) 尸羅是能救法，如易與語者為人所救。
- (60) 尸羅能成明解脫法，如隨所說行。

---

如人獲得須陀洹果則心安隱，如得良時造作不悔。

<sup>35</sup> 澤：3.雨露。(《漢語大詞典》(六)，p.165)

<sup>36</sup> 端嚴：端莊嚴謹，莊嚴。(《漢語大詞典》(八)，p.402)。

<sup>37</sup> (1)《大集法門經》卷上(大正1，229c27-28)：

四善語言是佛所說，謂**如實語、質直語、不兩舌語、依法語**。

(2)《長阿含經》卷8(9經)《眾集經》(大正1，50b23-27)：

諸比丘！如來說四正法。

謂口四惡行：一者妄語，二者兩舌，三者惡口，四者綺語。

復有四法，謂口四善行：一者**實語**，二者**軟語**，三者**不綺語**，四者**不兩舌**。

<sup>38</sup> 《三具足經憂波提舍》(大正26，364a5)：

如因聞故，則得辯才。

<sup>39</sup> 名稱：2.名聲。(《漢語大詞典》(三)，p.175)

- (61) 尸羅是諸佛相，如阿耨多羅三藐三菩提。
- (62) 尸羅助修道法，如定助慧。
- (63) 尸羅令人無所畏難，如大心膽無所畏懼。
- (64) 尸羅是諸功德聚處，猶如雪山寶物積聚。
- (65) 信等功德，諸希有事所可<sup>40</sup>依止；尸羅猶如大海有諸奇異，<sup>41</sup>亦如美果依止於樹。尸羅與人隨所樂果，如隨正智慧者如行即得。
- (66) 尸羅名(121a)為無水而淨；<sup>42</sup>尸羅則是最上妙香，不從根、莖、枝、葉、華、果中出。<sup>43</sup>
- (67) 尸羅莊嚴過諸寶飾，常住其身無能却<sup>44</sup>者。<sup>45</sup>
- (68) 尸羅大樂不從五欲生，後世亦有諸妙樂報。
- (69) 尸羅是一切世間天、人、魔、梵、沙門、婆羅門所讚歎者。
- (70) 尸羅快樂自在身中不從他得，生天、涅槃之善方便。
- (71) 尸羅即是信河正濟<sup>46</sup>，<sup>47</sup>無有泥陷、瓦石、刺棘，隨意可入，善渡無礙。
- (72) 尸羅是寶財，無諸衰惱。

<sup>40</sup> (所可) — 【宋】【元】【明】【宮】。(大正 26, 120d, n.13)

<sup>41</sup> 《三具足經憂波提舍》(大正 26, 364a10-11):

如海住處多饒希有，如來弟子，戒如大海，是入道行，如信得果。

<sup>42</sup> 《三具足經憂波提舍》(大正 26, 36411-12):

如覺知者依道理行，雖曰無水猶能洗浴。

<sup>43</sup> 《三具足經憂波提舍》(大正 26, 364a12-13):

無根、莖、葉而生香物。

<sup>44</sup> (1) 却：同“卻”，俗作“却”。按：古籍多作“卻”，今“却”字通行(《漢語大字典》(一)，p.313)

(2) 卻：亦作“卻”。5.除，除去。6.指撤去，收掉。(《漢語大詞典》(二)，p.540)

<sup>45</sup> 《三具足經憂波提舍》(大正 26, 364a13-14):

不穿不莖、非金非寶、非是真珠而是莊嚴。

<sup>46</sup> 濟：1.渡河。3.越過，度過。(《漢語大詞典》(六)，p.190)

<sup>47</sup> (1) 《雜阿含經》卷 44 (1184 經)(大正 2, 321a11-12):

正信為大河，淨戒為度濟；澄淨清流水，智者之所歎！

(2) 《別譯雜阿含經》卷 5 (99 經)(大正 2, 409b21-23):

云何名丈夫？若以信為河，戒為津濟渡，如是清淨水，善人之所讚。

(3) 《大乘本生心地觀經》卷 4 〈3 厭捨品〉(大正 3, 306c14-15):

入佛法海，信為根本；渡生死河，戒為船筏。

- (73) 尸羅是淨道，無能壞者；猶如平路，行旅<sup>48</sup>無難。
- (74) 尸羅是好田，不種、不穫<sup>49</sup>，自然獲實。<sup>50</sup>
- (75) 尸羅是甘露果，不從樹草生，香美無比。<sup>51</sup>
- (76) 尸羅是妙<sup>52</sup>華，不從水陸生，常不萎壞。
- (77) 尸羅除煩惱熱，如冷水洗浴。
- (78) 尸羅善守護勝諸刀杖，行尸羅者不以人畏故而得恭敬。
- (79) 尸羅是自在處，無有諍競<sup>53</sup>。
- (80) 尸羅是好寶，不從山生，不從大海出，而寶價無量。
- (81) 尸羅能過不活畏、入眾畏、考掠<sup>54</sup>畏、墮惡道畏。<sup>55</sup>
- (82) 尸羅常隨逐人，今世、後世如影隨形。<sup>56</sup>

---

<sup>48</sup> (1) 旅=者【宋】【元】【明】【宮】。(大正 26, 121d, n.1)

(2) 行旅：2.出行，旅行。(《漢語大詞典》(三)，p.906)

<sup>49</sup> 穫(厂又丩、)：1.收割莊稼。3.收成，收穫。(《漢語大詞典》(八)，p.125)

<sup>50</sup> 《三具足經憂波提舍》(大正 26, 364a20-21)：

如不須犁，不種不熟，饒種種田。

<sup>51</sup> 《三具足經憂波提舍》(大正 26, 364a21-22)：

雖無種樹，無藥、無林而得美果，味如甘露。

<sup>52</sup> (1) 沙=好【宋】【元】【明】【宮】。(大正 26, 121d, n.2)

(2) 案：《大正藏》原作「沙」，今依《高麗藏》(第 16 冊，858c8) 作「妙」。

<sup>53</sup> 諍競：競爭，爭論。諍，通“爭”。(《漢語大詞典》(十一)，p.199)

<sup>54</sup> 考掠：拷打。(《漢語大詞典》(八)，p.636)

<sup>55</sup> (1) 《十住毘婆沙論》卷 2〈3 地相品〉(大正 26, 27a12-18)：

菩薩得初地無諸怖畏故，心多歡喜。若怖畏者，心則不喜。

問曰：菩薩無何等怖畏？

答曰：無有不活畏、死畏、惡道畏、大眾威德畏、惡名毀訾畏、

繫閉桎梏畏、拷掠刑戮畏；無我我所故，何有是諸畏？

(2) 《大方廣佛華嚴經》卷 34〈26 十地品〉(大正 10, 181b13-16)：

此菩薩得歡喜地已，所有怖畏悉得遠離，所謂不活畏、惡名畏、死畏、惡道畏、大眾威德畏，如是怖畏皆得永離。

(3) 《雜阿含經》卷 26(670 經)(大正 2, 185b2-6)。

<sup>56</sup> 《三具足經憂波提舍》(大正 26, 364a27)：

如影隨身，此世、後世常與身俱此。